

meurtre. En effet, leur dist-il, ie me doutois bien qu'il feroit pour faire vn coup femblable: ce qui l'aura ietté dans ce defespoir, [49] est la honte qu'il aura eu de voir que les Sonnontoueronçons & Annieronnons foient venus icy vous massacrer iufques fur vos frontieres; car quoy qu'ils foient vos ennemis, ils font nos alliez, & ils deuoient nous porter ce respect, qu'estans venus icy en ambassade, ils attendissent à faire quelque mauuais coup, apres nostre retour, lors que nos vies feroient en affurance. Il a creu que c'estoit vn mépris trop sensible de sa personne, & cette confusion l'aura ietté dans ces pensées de defespoir: & c'est fans doute ce qu'il vouloit dire à nostre troisiéme compagnon qui s'en est retourné avec vos Ambassadeurs, lors qu'à son depart il luy dist, qu'il donnast aduis à ceux de nostre Nation, que si durant les pourparlers de cette paix, & tandis qu'il feroit icy, on faisoit quelque mauuais coup, la honte qu'il en auroit le feroit mourir; adioustant qu'il n'estoit pas vn chien mort, pour estre abandonné, & qu'il meritoit bien que toute la terre eust les yeux arrestez sur luy, & fust en alte, tandis que sa vie feroit en danger. Voila iufqu'ou nos Sauvages se piquent du point d'honneur. Nous attendrons l'iffuë de toutes ces [50] affaires, & le temps nous y fera voir clair.